

Фикҳ дарслари (124-дарс). Нифос ҳукмлари



13:00 / 18.02.2021 4552

مُّأَلَّوَةٌ، أَمْوِي نُوْعَبْرًا هُرْتِكْ أَوْ، هَلَقَالَ دَحَّالُو، دَلَوْلُ ابْقَعِي مَدُّسَافِنَلْ أَوْ
أَعَامَجِ إِرِيخْ أَلْ نَمِ هَدَّعْلْ أَعْصَقْنْ أَوْ، دَمَّحْمَلْ أْفَ أَلْ خَلَّوْ أَلْ نَمِ نِي مَّأَوْتَلْ أ
عُقَيْوْ دَلَّوْ مَّأَلْ أَوْ، أَسْفُنْ هُمُّ أُرِي صَتَفْ، دَلَّوْ هَقْلَخْ صَنْعَبْ أَدَبْ طَلَقَسَوْ
، هَبُّ هَدَّعْلْ أَيْضَقْنَتَوْ، هَبُّ قَلَّعْمَلْ أ

Нифос бола (туғилган) дан кейин келадиган қондир. Унинг озининг чегараси йўқ. Кўпи қирқ кун. У эгизакларнинг онаси учун, Муҳаммадга хилоф ўлароқ, биринчи боладан бошланади. Иддасининг тугаши эса охиргисидан эканига иттифоқ қилинган.

Тушиб қолган ҳомиланинг баъзи аъзоси аён бўлса, бола ҳисобланади. Бас, унинг онаси нифосли ҳисобланади.

Она чўри бўлса, умму валад бўлади. Унинг туғилишига боғлаб қўйилган нарса воқеъ бўлади ва у билан иддаси тугайди.

Нифос ҳайзга яқин нарсадир. Уларнинг ҳукмлари ҳам деярли бир хил. Аммо нифоснинг ўзига хос хусусиятлари ҳам бор. Келаси сатрларда ана шу нарсалар ҳақида батафсил баён келади.

«Нифос» сўзи луғатда «туғиш» ва «қон» маъноларини англатади. Шариатда эса:

Нифос бола(туғилган)дан кейин келадиган қондир.

Боладан олдин ва у билан бирга чиққан қон нифос ҳисобланмайди.

Унинг озининг чегараси йўқ. Кўпи қирқ кун.

Чунки шаръий манбаларда нифоснинг ози тўғрисида маълумот келмаган. Бас, бундай ҳолда воқеълик эътиборга олинади. Аёллар ичида нифос кўрмайдиганлари ҳам учраб туради.

Нифоснинг кўпи ҳақида эса шаръий далил бор.

دَعَا عِلَّةَ سُلْحَتٍ أَسْفَلَ لَتَنَكَ : تَلَقَّ أَهْلَهُ لَلِأَيُّضَرَّ مَلَسَ مُأْنَعِ
أَنَّهُ وَوَيْلُ طَنَ أَنْكَفَ ، أَمْوَيَ نِيَعَبْرًا مَلَسَ وَوَيْلَهُ لَلِأَيُّضَرَّ مَلَسَ لَلِأَيُّضَرَّ
دُوَادُ وَوَيْلُ دَمْرَتِ الْهَوْرَ فَلَكَ لَلِأَيُّضَرَّ مَلَسَ لَلِأَيُّضَرَّ

Умму Салама розияллоҳу анҳодан ривоят қилинади:

«У киши:

«Нифос кўрган аёллар Расулуллоҳ соллаллоҳу алайҳи васалламнинг даврларида қирқ кун ўтирар эдилар. Юзларимизга нарса тошиб кетиб, варас суртиб олар эдик», деди».

Термизий ва Абу Довуд ривоят қилишган.

У эгизакларнинг онаси учун, Муҳаммадга хилоф ўлароқ, биринчи боладан бошланади.

Эгизак туққан аёлнинг нифоси биринчи боланинг туғилган вақтидан бошланади. Чунки бола туғилганидан кейин келган қон нифос бўлади.

Иддасининг тугаши эса охиргисидан эканига иттифоқ қилинган.

Аллоҳ таоло Талоқ сурасида:

سُورَةُ مَحَمَدٍ عَصَى نَأْنُجَ الْجَامِخِ الْاُتَاوُ

«Ҳомиладорларнинг иддаси ҳомигаларини қўймоқларидир», деган (4-оят).

Биринчи бола туғилганидан кейин иккинчи ҳомила қолган бўлади ва иккинчи бола туғилганда идда тўлиқ чиқади.

Тушиб қолган ҳомиланинг баъзи аъзоси аён бўлса, бола ҳисобланади. Бас, унинг онаси нифосли ҳисобланади.

Муддатидан олдин тушиб қолган ҳомилада бирорта бармоқми ёки шунга ўхшаш аломатлар бўлса, у ҳомила бола ҳисобланади ва онасига бола туққан аёлга жорий қилинадиган ҳукмлар жорий қилинади. Жумладан, ўша она нифосли ҳисобланади.

Она чўри бўлса, умму валад бўлади.

Қадимда, қул ва чўрилар бор вақтларда она чўри бўлса, бирорта аъзоси аён бўлган ҳомиласи тушиши билан у хўжайинига умму валад бўлган.

Унинг туғилишига боғлаб қўйилган нарса воқеъ бўлади ва у билан иддаси тугайди.

Мисол учун, эри «Туққан кунинг талоқсан», деган бўлса, юқорида зикр қилинган сифатдаги ҳомила тушиши билан талоқ бўлади.

Иддаси тугаши эса Аллоҳ таолонинг Талоқ сурасидаги

سُورَةُ مَحَمَدٍ عَصَى نَأْنُجَ الْجَامِخِ الْاُتَاوُ

«Ҳомиладорларнинг иддаси ҳомигаларини қўймоқларидир», деган 4-оятга биноан бўлади.

«Кифоя» китобининг биринчи жузидан